



অবিলম্বে প্রকাশের উদ্দেশ্যে: 3/21/2023

গভর্নর ক্যাথি হোকল

গভর্নর হোকল হান্টার কলেজের পুয়ের্তো রিকান স্টাডিজ সেন্টার এবং সিটি কলেজের ডমিনিকান স্টাডিজ ইনস্টিটিউটের জন্য 3 মিলিয়ন মার্কিন ডলার ঘোষণা করলেন

প্রতিষ্ঠানগুলি ল্যাটিনো নিউ ইয়র্কবাসীদের সংস্কৃতি ও ইতিহাস সংরক্ষণ করার জন্য চলমান কর্মকাণ্ড ও উদ্যোগসমূহকে সমর্থন করার জন্য এই তহবিল পাবে

গভর্নর ক্যাথি হোকল আজকে ঘোষণা করলেন যে নিউ ইয়র্কবাসীদের ল্যাটিনো সংস্কৃতি ও ইতিহাস সংরক্ষণ করার জন্য চলমান কর্মকাণ্ড ও উদ্যোগসমূহকে সমর্থন করার জন্য হান্টার কলেজের (Hunter College) পুয়ের্তো রিকান স্টাডিজ সেন্টার (Center for Puerto Rican Studies, Centro) এবং সিটি কলেজের ডমিনিকান স্টাডিজ ইনস্টিটিউট (Dominican Studies Institute at City College, CUNY DSI) 3 মিলিয়ন মার্কিন ডলার পাবে। গভর্নর অ্যালবানিতে SOMOS গভর্নরের অভ্যর্থনায় (SOMOS Governor's Reception) এই ঘোষণাটি করেন।

"এখানে, নিউ ইয়র্কে, আমাদের বৈচিত্র্যই আমাদের শক্তি, এবং তার ঠিক কেন্দ্রেই রয়েছে আমাদের স্টেটের উপর ল্যাটিনো নিউ ইয়র্কবাসীদের প্রভাব," **গভর্নর হোকল বলেন।** "সঙ্গীত ও খাদ্য থেকে শুরু করে শিল্প ও নৃত্য এবং বিজ্ঞান ও চিকিৎসাশাস্ত্র পর্যন্ত, নিউ ইয়র্কের সেরা অংশগুলির সবকিছু এই অবদানসমূহের কারণে আরো উত্তম হয়েছে। আমি এই ঘোষণা করতে পেরে গর্বিত যে এই গল্পগুলি বলা অব্যাহত রাখতে এবং ভবিষ্যৎ প্রজন্মসমূহের জন্য সংস্কৃতি ধরে রাখতে হান্টার কলেজ ও সিটি কলেজের প্রয়াসকে তহবিলটি সমর্থন করবে।"

1973 সালে এক দল শিক্ষার্থী, ফ্যাকাল্টি ও সম্প্রদায়ের সক্রিয়তাবাদী পুয়ের্তো রিকান নিউ ইয়র্কবাসীদের ইতিহাস সংরক্ষণ করা নিশ্চিত করতে হান্টার কলেজের পুয়ের্তো রিকান স্টাডিজ সেন্টার (সেন্ট্রো) প্রতিষ্ঠা করে। বর্তমানে এটি মার্কিন যুক্তরাষ্ট্রে পুয়ের্তো রিকান অভিজ্ঞতার প্রতি নিবেদিত সর্ববৃহৎ বিশ্ববিদ্যালয়ভিত্তিক গবেষণা প্রতিষ্ঠান, লাইব্রেরি, এবং আর্কাইভ। 1992 সালে প্রতিষ্ঠিত সিটি কলেজের ডমিনিকান স্টাডিজ ইনস্টিটিউট হলো মার্কিন যুক্তরাষ্ট্র এবং বিশ্বের অন্যান্য অংশে ডমিনিকান বংশোদ্ভূত মানুষের ব্যাপারে অধ্যয়ন করার জন্য নিবেদিত দেশের প্রথম বিশ্ববিদ্যালয়ভিত্তিক গবেষণা প্রতিষ্ঠান।

অ্যাসেম্বলি সদস্য এডি গিবস বলেন, "আমরা 2023 SOMOS সম্মেলনে (2023 SOMOS Conference) একত্রিত হয়েছি আমাদের মূল বিষয়বস্তু 'আমাদের বৈচিত্র্যের ক্ষমতার কাজে লাগানো (Harnessing the Power of Our Diversity)' উদযাপন করার জন্য। নিউ ইয়র্কের

ল্যাটিনো সম্প্রদায় সম্পর্কিত সমস্যার সমাধান নিয়ে আলোচনা করতে আমি উন্মুখ এবং হান্টার কলেজের পুয়ের্তো রিকান স্টাডিজ সেন্টার এবং সিটি কলেজের ডমিনিকান স্টাডিজ ইনস্টিটিউটের জন্য গভর্নর হোকলের এই 3 মিলিয়ন মার্কিন ডলার প্রতিশ্রুতির আমি প্রশংসা করছি। শিক্ষার্থী ও বৃহত্তর ল্যাটিনো সম্প্রদায়ের জীবনে এটি ব্যাপক প্রভাব ফেলবে।"

অ্যাসেম্বলি সদস্য কারিনেস রেয়েস বলেন, "এইসব অতি গুরুত্বপূর্ণ প্রতিষ্ঠানে গভর্নরের বিনিয়োগ নিউ ইয়র্কের ল্যাটিনো ঐতিহ্য সংরক্ষণ করা নিশ্চিত করবে। এই সংরক্ষণ সকল বয়স ও পটভূমির নিউ ইয়র্কবাসীদেরকে আমাদের সম্প্রদায়ের প্রাণবন্ত সংস্কৃতি আরো ভালোভাবে বুঝতে দিবে। সকল নিউ ইয়র্কবাসীদের প্রতি গভর্নরের প্রতিশ্রুতি, বিশেষ করে হিস্প্যানিক বংশোদ্ভূত নিউ ইয়র্কবাসীদের সমর্থনে তার কাজের জন্য আমি তার প্রশংসা করছি।"

নিউ ইয়র্ক সিটি কাউন্সিলের সদস্য ডায়ানা আয়ালা বলেন, "পুয়ের্তো রিকান এবং ডমিনিকানরা হলো নিউ ইয়র্ক সিটির বৃহত্তম অভিবাসী গোষ্ঠীগুলির একটি এবং SOMOS এ গভর্নর হোকলের ঘোষণা আমাদের সমৃদ্ধশালী সম্প্রদায়সমূহের প্রতি তার প্রতিশ্রুতি প্রদর্শন করে। হান্টার কলেজের পুয়ের্তো রিকান স্টাডিজ সেন্টার এবং সিটি কলেজের ডমিনিকান স্টাডিজ ইনস্টিটিউট এইসব সম্প্রদায়ের সমৃদ্ধ ইতিহাসের সংরক্ষণ করে এবং ভবিষ্যৎ প্রজন্ম যাতে আমেরিকান গল্পের এই অবিচ্ছেদ্য কিন্তু প্রায়শ অবহেলিত অংশকে অধ্যয়ন করা অব্যাহত রাখতে পারে তা নিশ্চিত করবে।"

###

আরো সংবাদ এখানে পাওয়া যাবে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418